

# QVÆSTIO MEDICA.

QVODLIBETARIIS DISPUTATIONIBVS  
MANE DISCVTIENDA IN SCHOLIS MEDICORVM,  
die Iovis, X X I E. Decembris,

M. GABRIELE BIARD,

DOCTORE MEDICO, MODERATORE.

*An Imbecillitati Ventriculi quævis roborantia?*



**IMBECILLVS** Ventriculus cibos, quos suo exce-  
pit sinu, aut pravè, aut agrè, aut omnino non coquit;  
ut succus is, quo corpus univèrsum alitur, vel corrup-  
patur, vel tempore multo conficiatur, vel prorsus non  
atterantur cibi: quodvis horum contigerit, nutritionis  
ratio pervertitur: cibi verò in Ventriculo atteruntur-  
ne? an coquantur calore quem ille multum habet?

**A**TONIA adest, & Imbecillitatis summa sunt omnia, cum cibi integri,  
nihil quicquam immutati egeruntur: is affectus Lienteriàne rectè dici-  
tur? difficilis coctionis nota est certissima frequens ructus acidus: an ille  
quandoque est caloris effectus? produnt coctionis vitium, quæ viridi, atro-  
ve colore redduntur vomitu. Atonia verò morbusne est, an symptoma?

**I**NTEMPERATVS Ventriculus imbecillius coquit, ut ea demum  
ciborum concoctionem juvent, & imbecillum Ventriculum roorent,  
quæ emendant intemperiem Imbecillitatis causam: illa multiplex; cuique  
suum & accommodatum est remedium, illudque adversum, quo ipsa depel-  
latur, unâque amissâ Ventriculi vires revocantur. Difficilius vincitur  
Imbecillitas, quæ à sicca enascitur intemperie: ejus verò quæ à calida  
exoritur, non adeo tuta curatio: An etiam qui laxiore est substantiâ Ven-  
triculus imbecillior?

**V**ENTRICULI Imbecillitas sui abigendæ nullam præ se fert ratio-  
nem: nudum est prorsus, & inane nomen: ut qui eam curandam susci-

*Edizio secunda, 1647.*

A

piunt, umbram dumtaxat, & imaginem curationis confectentur. Nam & Medicæ artis planè rudes, qui Ventriculo imbecillis, discrimine & delectu nullo, vinum rubrum, austerum, mala cydonia, punica, mastichen, myrobalanos, cinnamomum, coriandri semen, caryophyllum comparare fatagunt; quæ sæpius adeo nocent, ut atoniam Ventriculi promoveant.

**F**RIGIDIOREM Ventriculum, eumque imbecillum temperant & roborant, quæ exalfaciunt; vinum vetus, generosum, meracius, aromatica omnia quavis arte parata: eundem æstu languentem firmiter & recreant, quæ refrigerare valent; lactuca, cichoracea omnia, cerasa, cæterique fructus, quibus refrigerandi vis inest, serum lactis defæcatum, lac recens pressum, ipsaque Neronis decocta: exsiccatum sublevant, quæ humectant, fots, epithemata, balnea, elixarum carniū esus, earundem juscula: humidiori conferunt Ventriculo, quæ exsiccant & adstringunt: ea ipsa laxiorem Ventriculi consistentiam reddunt compactiorem: qui intemperiem & laxitatem fovet humor, catharsi ei analogâ, & accommodatâ exigendus: fervor si adfuerit, compescendus sanguinis missione; ut remedia, quæ Ventriculum roborare valent, definiant Imbecillitatis causâ.

*Ergo Imbecillitati Ventriculi non quævis roborantia.*

Proponēbat Lutetiæ IOANNES PIETRE, Parisinus,  
Anno R. S. H. M. DC. XXXIII.

DOMINI DOCTORES DISPUTAVRI.

M. Petrus le Conte.	M. Guillelmus Guerin.	M. Franciscus Lescapier.
M. Mathurin Alton.	M. Lancelotus de Frades.	M. Georgius Cornuti.
M. Franciscus Blondel.	M. Iacobus Mentel.	M. Guillelmus Duval, P. R.

*cette thèse est la 793<sup>e</sup> du cinquième jour.*